



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ  
ՀՐԱՄԱՆ

No 1824- Չ/2

«14» սեպտեմբեր 2023 թ.

ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԻ 9-ՐԴ  
ՂԱՍԱՐԱՆԻ «ՕՏԱՐ ԼԵՂՈՒՆԵՐ» ՈՒՍՈՒՄՆԱԿԱՆ ԲՆԱԳԱՎԱՌԻ ԵՐՐՈՐԴ  
ՕՏԱՐ ԼԵՂՎԻ ԱՌԱՐԿԱՅԱԿԱՆ ԾՐԱԳԻՐԸ («ԱՆԳԼԵՐԵՆ»)  
ՀԱՍՏԱՏԵԼՈՒ ՄԱՍԻՆ

Ղեկավարվելով «Հանրակրթության մասին» օրենքի 30-րդ հոդվածի 1-ին մասի 1-ին կետով՝

ՀՐԱՄԱՅՈՒՄ ԵՄ

- Հանրակրթական ուսումնական հաստատությունների 9-րդ դասարանի «Օտար լեզուներ» ուսումնական բնագավառի երրորդ օտար լեզվի առարկայական ծրագիրը («Անգլերեն»)՝ համաձայն հավելվածի:
- Սույն հրամանն ուժի մեջ է մտնում պաշտոնական հրապարակմանը հաջորդող օրվանից:

9/14/2023

ԺԱՆՆԱ ԱՆԴՐԵԱՅԱՆ

ՆԱԽԱՐԱՐ՝

Signed by: ANDREASYAN ZHANNA 6402810169



Ժ. ԱՆԴՐԵԱՅԱՆ

Հավելված  
ՀՀ կրթության, գիտության,  
մշակույթի և սպորտի նախարարի  
2023 թվականի սեպտեմբերի 14-ի  
N 1824-Ա/2 հրամանի

## **ԵՐՐՈՐԴ ՕՏԱՐ ԼԵԳԻ ԱՌԱՐԿԱՅԱԿԱՆ ԾՐԱԳԻՐ**

### **ԱՆԳԼԵՐԵՆ**

### **9-ՐԴ ԴԱՍԱՐԱՆ**

**(շաբաթական 1,5-2 ժամ)**

#### ***Նախաբան***

Երրորդ օտար լեզվի չափորոշիչի և ծրագրի մշակման համար հիմք են հանդիսացել Հանրակրթության պետական նոր չափորոշիչի (ՀՊՉ) և «Օտար լեզուներ» ուսումնական բնագավառի չափորոշիչն ու ծրագրերը:

Երրորդ օտար լեզվի ուսուցման նպատակներն են՝ Լեզուների իմացության եվրոպական շրջանակի (ԼԻԵՇ) A1 և A2 մակարդակներին համապատասխան հաղորդակցվելու հմտությունների զարգացումը, այլ մշակույթների ճանաչումը, սովորողների մտահորիզոնի ընդլայնումը, նրանց տրամաբանական, ստեղծագործական և քննադատական մտածողության զարգացումը:

Ուսուցման և ուսումնառության բովանդակության հիմքում ընկած են մի քանի կարևոր դրույթներ, մասնավորապես՝

1. օտար լեզուն առաջնայնորեն հաղորդակցության միջոց է,
2. օտար լեզուն ուսումնառության և ճանաչողական կարողությունների զարգացման միջոց է,
3. օտար լեզվով հաղորդակցումը աշխարհճանաչման, ինքնաճանաչման և այլ մշակույթների ճանաչման հիմնական միջոցն է:

Երրորդ օտար լեզվի ուսուցումը սկսվում է 5-րդ դասարանից նախաայբբենական շրջանով: Նախաայբբենական շրջանը կառուցվում է բանավոր խոսքի հիման վրա: Բանավոր դասընթացը

կարող է ուղեկցվել այբուբենի տառերի պատկերների ծանոթացմամբ:

Նախաայբբենական շրջանը կարող է ներառել բանավոր խոսքի ձևավորմանը նպաստող կարճ երկխոսություններ, բանաստեղծություններ, երգեր, խաղեր, պաստառներ, համապատասխան տեսալսողական միջոցներ և այլն:

Այս փուլի հիմնական նպատակը հետաքրքրությունների ձևավորելն է երրորդ օտար լեզվի ուսումնառության նկատմամբ: Այդ տարիքի սովորողներն արդեն ունեն որոշակի հաղորդակցական հմտություններ, որոնք թույլ են տալիս շփվել միմյանց հետ նոր օտար լեզվով: Բանավոր դասընթացին հաջորդում է հիմնական մասը: Ելնելով թեմատիկայի և այն ուսումնասիրելու համար անհրաժեշտ լեզվանյութի փոխկապվածությունից և փոխալմանավորումից՝ թեմատիկ շրջանակն ընտրվել է հաշվի առնելով Լեզուների իմացության եվրոպական շրջանակի (ԼԻԵՇ) A1 և A2 մակարդակների համար նախատեսված թեմատիկան և Հանրակրթության պետական նոր չափորոշչով հիմնական դպրոցի կրթական աստիճանի համար սահմանված վերջնարդյունքները:

Սույն ծրագիրը նախատեսված է հանրակրթական դպրոցների կողմից ընտրված երրորդ օտար լեզվի (գերմաներեն, անգլերեն, ֆրանսերեն) ուսուցման համար: Այլ լեզու ընտրելու դեպքում հիմք են հանդիսանում ծրագրում նշված թեմատիկան, նպատակներն ու վերջարդյունքները, որոնք կարող են տեղայնացվել՝ կիրառելով համապատասխան քերականություն և բառապաշար:

Վերջնարդյունքներին հասնելու համար ուսումնական նյութերի ընտրությունը թողնվում է ուսուցչին. դրանք կարող են լինել ինչպես գործող դասագրքերը, այնպես էլ A1 և A2 մակարդակներին համապատասխան այլ ձեռնարկները և առցանց տարբեր նյութեր:

Ծրագրում ներկայացված միջառարկայական կապեր բաժնում նշված տարբեր առարկաներից ուսուցիչը ընտրում է այն առարկան, որն առավելագույնս խաչվում է օրվա դասի թեմայի հետ:

## **Երրորդ օտար լեզվի ուսուցման նպատակները**

Հիմնական դպրոցում երրորդ օտար լեզվի ուսուցման նպատակն է՝

1. ԼԻԵՇ-ի **A1**, **A2** մակարդակներին համապատասխան հաղորդակցական կարողությունների զարգացումը,

- կրթական տվյալ մակարդակին, թեմային և հաղորդակցական իրադրությանը համապատասխան լեզվական գիտելիքի (բառապաշար, քերականություն, ուղղագրություն, արտասանություն) զարգացումը,
- սովորողների մոտ այլ լեզուների և մշակույթների հանդեպ հետաքրքրության սերմանումը:

## **Երրորդ օտար լեզվի ուսուցման վերջնարդյունքները.**

### **Հաղորդակցություն**

- Լսել և հասկանալ իրեն ծանոթ առօրյա թեմաներով հնչող պարզ, հստակ և դանդաղ խոսքը:
- Կարդալ և հասկանալ իրեն ծանոթ առօրյա թեմաներով պարզ տեքստի հաղորդած տեղեկությունները և հիմնական բովանդակությունը:
- Համառոտ նկարագրել իրեն, իր շրջապատը, իր առօրյան:
- Շարադրել պարզ համառոտ տեքստ իր, իր շրջապատի, առօրյայի մասին:
- Սկսել երկխոսություն իրեն ծանոթ թեմայով՝ արձագանքելով իրեն ուղղված հարցերին: Արտահայտել համաձայնություն կամ անհամաձայնություն՝ տալով պարզ պատասխաններ կամ խնդրելով հստակեցումներ:
- Կիրառել տվյալ մակարդակին, թեմային և հաղորդակցական իրադրությանը համապատասխան լեզվական գիտելիք (քերականություն, բառապաշար):

### **1. Մշակութային վերջնարդյունքներ**

#### **Արժեքներ**

- Ճանաչել համաշխարհային մշակութային բազմազանությունը, ժառանգությունը և արժեքները:
- Գիտակցել բազմալեզու կրթության դերը՝ որպես գլոբալ աշխատաշուկայում հաջողության գրավական:
- Կարևորել համակեցության նախապայման հանդիսացող արժեքները (ընկերասիրություն, հարգանք, մարդու իրավունքներ, ժողովրդավարություն և այլն):

#### **Վերաբերմունք**

1. Ցուցաբերել հարգալից, հոգատար և պատասխանատու վերաբերմունք այլ ազգությունների, նրանց մշակույթների նկատմամբ:
2. Ցուցաբերել հետաքրքրություն այլ երկրների և մշակույթների ճանաչման նկատմամբ:

### **Նորմեր, կանոններ**

1. Իմանալ լեզվակիր երկրի մշակութային առանձնահատկությունները:
2. Ճանաչել մշակույթով/ժամանակով պայմանավորված կենցաղի մի շարք նորմեր (հագուստ, մուկ և այլն):
3. Ճանաչել ուսումնասիրվող լեզվով հաղորդակցության նորմերը և պահպանել դրանք այդ լեզվով հաղորդակցվելիս:

### **Չեղարկություններ/Նախասիրություններ**

1. Դրսևորել հետաքրքրություն ուսումնասիրվող լեզվի երկրների մշակութային արժեքների հանդեպ:
2. Ճանաչել ուսումնասիրվող լեզվի երկրի հասակակցի հետաքրքրություններն ու նախասիրությունները:

## **2. Քննական և ստեղծարար միտք**

### **Միտք**

1. Ձևակերպել կապակցված միտք արտահայտող պարզ խոսք:
2. Բերել պարզ հիմնավորումներ:
3. Ընտրել, ստեղծել և կիրառել մտքերն արդյունավետ կերպով ներկայացնող տեսողական միջոցներ:

### **Տրամաբանական կապեր**

1. Դասավորել մտքերը միմյանց հետ փոխկապակցվածությամբ (ընդհանուր/մասնավոր, պատճառ/հետևանք)՝ ճիշտ լեզվական միջոցների կիրառմամբ:

### **Վերլուծություն**

1. Դասակարգել թեմայի շուրջ ստացված տեղեկությունները:

2. Նշել ազգային և համաշխարհային մշակույթների նմանություններն ու տարբերությունները:

### Առաջընթաց

1. Արձագանքել ուսուցչի պարզ հրահանգներին:
2. Բերել պարզ հիմնավորումներ, մտքեր և մեկնաբանել դրանք:

1. Կրթություն
2. Մշակույթ
3. Աղետներ
4. Գրքեր և ֆիլմեր

<b>Թեմա 1</b>	
<b>Կրթություն</b>	
<b>Յիմնական նպատակը</b>	
<ol style="list-style-type: none"><li>1. <b>Ներմուծել և ամրապնդել</b> կրթության կարևորության գաղափարը,</li><li>2. <b>Ընդլայնել և ամրապնդել</b> կրթությանը վերաբերող բառապաշարը,</li><li>3. <b>Ներմուծել</b> թեմային համապատասխան քերականական կյուրթը,</li><li>4. <b>Ձևավորել</b> ինքնուրույն սովորելը և կրթության շարունակականությունը արժևորող վերաբերմունք:</li></ol>	
<b>Վերջնարդյունքներ</b>	
<b>Թեմայի ավարտին աշակերտը պետք է իմանա՝</b>  <ol style="list-style-type: none"><li>1. թեմային առնչվող բառապաշարը,</li><li>2. համապատասխան</li></ol>	<b>Թեմայի ավարտին աշակերտը պետք է կարողանա՝</b>  <ol style="list-style-type: none"><li>1. լսել և հասկանալ կրթություն թեմայով տեսաձայնագրությունների բովանդակության ընդհանուր իմաստը և որոշ մանրամասներ,</li><li>2. կարդալ և հասկանալ կրթություն և կրթական</li></ol>

<p>քերականական նյութը,  3. կրթական տարբեր համակարգերը,  4. տարբեր մասնագիտությունների բնորոշումները, դերը: ժամանակակից հասարակությունում,  5. Կրթության շարունակականության ապահովման հնարավորությունները:</p>	<p>համակարգեր թեմայով տեղեկատվական տեքստերի ընդհանուր բովանդակությունը՝ գտնելով իրեն անհրաժեշտ տեղեկատվությունը,  3. ներկայացնել տարբեր (ՀՀ և ուսումնասիրվող լեզվի երկրի/երկրների) կրթական համակարգեր թեմայով ելույթ՝ համեմատելով դրանք, արտահայտելով իր կարծիքը,  4. գրել կարճ շարադրություն՝ նկարագրելով որևէ կրթական համակարգ (ՀՀ և ուսումնասիրվող լեզվի երկրի/երկրների),  5. ներկայացնել մասնագիտություն թեմայով պատրաստված ելույթ՝ պատասխանելով դրան հաջորդող հարցերին,  <b>6. արժևորել ինքնուրույն սովորելու կարևորությունը:</b></p>
<b>Բովանդակություն</b>	
<ol style="list-style-type: none"> <li>1. Ինչու՞ եմ սովորում</li> <li>2. Կրթական համակարգեր</li> <li>3. Իմ ապագա մասնագիտությունը</li> </ol>	
<b>Առաջարկվող գործունեության ձևեր</b>	
<ol style="list-style-type: none"> <li>1. Դերախաղ (հարցազրույց, տեղեկատվության հարցում)</li> <li>2. Բանավեճ՝ «Կրթության դերը. սովորե՞լ, թե՞ չսովորել»</li> <li>3. Պաստառ՝ «Կրթական համակարգեր»</li> <li>4. Սահիկաշար՝ «Իմ ապագա մասնագիտությունը»</li> </ol>	
<b>Միջառարկայական կապերին</b>	
<p><b>Թվային գրագիտություն և Համակարգչային գիտություն-</b> Օգտվել տեղեկատվություն ստանալու նպատակով տարբեր աղբյուրներից, կիրառել թվային կերպով ցիտելու գործիքները:</p> <p><b>Հասարակագիտություն</b> - Ներկայացնել և հիմնավորել կրթության իրավունքի անհրաժեշտությունը:</p> <p><b>Գրականություն</b> – Վերլուծել գրական ստեղծագործություն, որտեղ ընդգծվում է կրթության լուսավորչական ազդեցությունը:</p>	

**Թեմա 2**

**Մշակույթ**

**Հիմնական նպատակը**

1. **Ընդլայնել և ամրապնդել** մշակույթին վերաբերող բառապաշարը:
2. **Ներմուծել** թեմային համապատասխան քերականական կյուրքը:
3. **Ձևավորել պատասխանատու վերաբերմունք՝ ազգային և համաշխարհային մշակույթի, մշակութային ժառանգությունների հանդեպ:**

**Վերջնարդյունքներ**

***Թեմայի ավարտին աշակերտը պետք է իմանա՝***

1. թեմային առնչվող բառապաշարը,
2. համապատասխան քերականական կյուրքը,
3. ազգային և համաշխարհային մշակութային ժառանգության օրինակներ (տարբեր ճյուղերից՝ կինո, թատրոն, օպերա, երաժշտություն, գեղարվեստ, ճարտարապետություն և այլն):

***Թեմայի ավարտին աշակերտը պետք է կարողանա՝***

1. լսել և հասկանալ ազգային և համաշխարհային մշակութային վայրերի վերաբերյալ տեսանյութերի/ձայնագրությունների ընդհանուր իմաստը և որոշ մանրամասներ,
2. կարդալ և հասկանալ մշակույթ թեմայով նկարագրական և տեղեկատվական տեքստերի բովանդակությունը,
3. ներկայացնել տարբեր երկրների (Հայաստանի և ուսումնասիրվող երկրի/երկրների լեզվի) մշակութային ժառանգությունները՝ գտնելով նմանությունները և տարբերությունները,
4. գրել մշակույթի/մշակութային ժառանգության ընտրված օբյեկտի մասին կարճ նկարագրական էսսե՝ ներկայացնելով սեփական տպավորությունները և զգացմունքները,
5. քննարկել մշակույթի ոլորտի արդի խնդիրները (պահպանություն, ճանաչում, հարգանք, արժևորում)՝ արտահայտելով իր կարծիքը, հիմնավորելով և բացատրելով իր մոտեցումները,
6. **դրսևորել պատասխանատու վերաբերմունք ազգային և համաշխարհային մշակութային ժառանգության նկատմամբ:**



<b>Բովանդակություն</b>
<ol style="list-style-type: none"> <li>1. Ժամանակակից մշակույթ (կինո, երաժշտություն, գեղարվեստ)</li> <li>2. Մշակութային իրադարձություններ</li> </ol>
<b>Առաջարկվող գործունեության ձևեր</b>
<ol style="list-style-type: none"> <li>1. Դերախաղ</li> <li>2. Բանավեճ՝ «Պահպանե՞լ, թե՞ ստեղծել նորը»</li> <li>3. Պաստառ՝ «Հայկական ժառանգությունը ՅՈՒՆԵՍԿՕ-ի ցանկում»</li> <li>4. Այցելություն պատմամշակութային վայր/թանգարան</li> </ol>
<b>Միջառարկայական կապերին</b>
<p><b>Արվեստ</b> - ներկայացնել համաշխարհային արվեստի բացառիկ նմուշներ նորարարական մատուցմամբ /2D, 3D, 4D,/,կատարել վերլուծություններ եւ հետազոտություններ, մշակութային իրադարձության նշանակալիության, կարեւորության վերաբերյալ:</p> <p><b>Համաշխարհային պատմություն</b> -Ներկայացնել մշակութային կարևոր: դերակատարում ունեցող անհատներին, գնահատել նրանց գործունեությունը եւ դերակատարումը:</p>

<b>Թեմա 3</b>
<b>Աղետներ</b>
<b>Հիմնական նպատակը</b>
<ol style="list-style-type: none"> <li>1. <b>Ներմուծել</b> աղետների տեսակները, դրանց առաջացման պատճառները և կանխարգելման հնարավորությունները:</li> <li>2. <b>Ընդլայնել և ամրապնդել</b> աղետներին վերաբերող բառապաշարը:</li> <li>3. <b>Ձևավորել</b> բնական աղետների ռիսկերի նվազեցման և դիմակայման, ինչպես նաև երկիր մոլորակը տեխնաժին/արհեստաժին աղետներից գերծ պահելու գիտակցություն:</li> </ol>

## Վերջնարդյունքներ

### **Թեմայի ավարտին աշակերտը պետք է իմանա՝**

1. թեմային առնչվող բառապաշարը,
2. համապատասխան քերականական նյութը,
3. բնական և տեխնածին աղետների տեսակները,
4. աղետների ժամանակ ճիշտ կողմնորոշվելու կանոնները:

### **Թեմայի ավարտին աշակերտը պետք է կարողանա՝**

1. լսել և հասկանալ աղետներ թեմայով հնչող տեքստերի կամ հեռուստամեդիայի հիմնական բովանդակությունը և որոշ մանրամասներ,
2. կարդալ և հասկանալ աղետներ թեմայով (բնական և տեխնածին աղետներ, աղետների տեսակներ) տեքստերի հիմնական բովանդակությունը,
3. նկարագրել աղետների հիմնական պատճառները, մարդկային գործոնը աղետի կանխման/մեղմման գործում՝ կանխատեսելով հնարավոր զարգացումները,
4. գրել որևէ աղետի վերաբերյալ կարճ տեղեկատվական հոդված,
5. քննարկել բնական և տեխնածին աղետների պատճառները՝ ներկայացնելով փաստեր, կատարելով դատողություններ և եզրահանգումներ,
- 6. դրսևորել բնական աղետների ռիսկերի նվազեցման և դիմակայման, ինչպես նաև երկիր մոլորակը տեխնածին/արհեստածին աղետներից զերծ պահելու գիտակցություն:**

## Բովանդակություն

1. Աղետների հիմնական տեսակները (բնական, տեխնածին, Էկոլոգիական աղետներ)
2. Մարդկային գործոնը աղետի կանխման/մեղմման և նրա հետևանքների վերացման գործում

## Առաջարկվող գործունեության ձևեր

1. Դերախաղ
2. Պաստառ՝ «Բնական աղետներ»
3. Սահիկաշար՝ «Տեխնածին աղետներ»
4. Նախագիծ՝ տեղեկատվական թերթիկի ստեղծում՝ աղետների ժամանակ վարքի և առաջին օգնության կանոններ,
5. Բանավեճ՝ «Գիտատեխնիկական առաջընթացը՝ տեխնածին աղետի պատճառ»

## Միջառարկայական կապերին

**ՆՁԴ** -Բացատրել քաղաքացիական պաշտպանության անհրաժեշտությունը ժամանակակից աշխարհում:

**Կենսաբանություն**-Ներկայացնել մարդու վնասակար ազդեցության նվազեցմանը եւ բնության պահպանությանն ուղղված լուծումներ:

**Աշխարհագրություն** -Ներկայացնել ՀՀ-ին առավել բնորոշ բնական և արհեստական աղետներն ու պաշտպանության միջոցառումները:

**Թեմա 4**

**Գրքեր և ֆիլմեր**

**Հիմնական նպատակը**

1. **Ներմուծել և ամրապնդել** մարդու կյանքում գրքերի և ֆիլմերի կարևորության գաղափարը:
2. **Ներմուծել և ամրապնդել** գրքեր և ֆիլմեր թեմային վերաբերող բառապաշարը:
3. **Ներմուծել** թեմային համապատասխան քերականական նյութը:
4. **Ձևավորել հետաքրքրություն** գրքերի և ֆիլմերի նկատմամբ՝ որպես **ինքնակրթման և ինքնագարգացման աղբյուր:**

**Վերջնարդյունքներ**

***Թեմայի ավարտին աշակերտը պետք է իմանա՝***

6. թեմային առնչվող բառապաշարը
7. համապատասխան քերականական նյութը
8. գրքերի և ֆիլմերի ժանրերը, դրանց առանձնահատկությունները:

***Թեմայի ավարտին աշակերտը պետք է կարողանա՝***

1. լսել և հասկանալ գրական ստեղծագործության էկրանավորված տարբերակից որևէ դրվագի ընդհանուր բովանդակությունը և որոշ մանրամասներ,
2. կարդալ և հասկանալ գեղարվեստական կարճ ստեղծագործության/հատվածի բովանդակությունը, դրանում ներկայացված նկարագրությունները,
3. ներկայացնել գրական ստեղծագործությունը և դրա էկրանավորված տարբերակը՝ համեմատելով դրանք, հիմնավորելով իրենց նախընտրությունը,
4. գրել գրքի կամ ֆիլմի վերաբերյալ իր կարծիքը՝ հիմնավորելով իր մոտեցումները,

	<p>5. քննարկել գրական ստեղծագործությունից կամ ֆիլմից մի դրվագ՝ արտահայտելով իր տպավորությունները, արձագանքելով խոսակցի կարծիքին և տպավորություններին,</p> <p>6. գիտակցել գրքերի և ֆիլմերի դերը որպես ինքնակրթման և ինքնազարգացման միջոց:</p>
<b>Բովանդակություն</b>	
<ol style="list-style-type: none"> <li>1. Ինչ եմ սիրում կարդալ/դիտել (ժանրեր)</li> <li>2. Իմ նախընտրած գիրքը/ֆիլմը</li> <li>3. Գրքե՞ր, թե՞ ֆիլմեր</li> </ol>	
<b>Առաջարկվող գործունեության ձևեր</b>	
<ol style="list-style-type: none"> <li>1. Դերախաղ</li> <li>2. Ֆիլմի դրվագի դիտում և քննարկում</li> <li>3. Գրական ստեղծագործության հատվածի ընթերցում և քննարկում</li> <li>4. Պաստառ/սահիկաշար՝ «Գրական ժանրեր», «Ֆիլմի ժանրեր»</li> <li>5. Բանավեճ՝ «Գրքեր թե՞ ֆիլմեր»</li> </ol>	
<b>Միջառարկայական կապեր</b>	
<p><b>Գրականություն</b>- Տարբերել ստեղծագործության ժանրը՝ ելևելով գրական առանցքային առանձնահատկություններից:</p> <p><b>Արվեստ</b>-Ներկայացնել որևէ գրքի կամ ֆիլմի թողած ազդեցությունը՝ մեկնաբանելով և հիմնավորելով կարծիքը:</p>	

Դասարան	Թեմաներ	Քերականություն
9-րդ դասարան	<ol style="list-style-type: none"> <li>1. Կրթություն</li> <li>2. Մշակույթ</li> <li>3. Աղետներ</li> <li>4. Գրքեր և ֆիլմեր</li> </ol>	<p>Connecting words:(though, in spite of, however, etc.)</p> <p>Modals of deduction- must/can't</p> <p>Be used to and get used to</p> <p>Phrasal verbs: Extended</p> <p>Reported speech: Orders and requests, statements questions and reporting verbs</p> <p>Passive voice: present/ past simple</p> <p>Forming verbs: suffixes -ise,-en, -ate, -fy</p> <p>prefixes re-, un-, dis-, over-, mis-, sub-</p> <p>Compound nouns and adjectives</p>

## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Հանրակրթության պետական չափորոշիչ, Երևան, 2021թ.
2. Հանրակրթական ընդհանուր ծրագրի «ՕՏԱՐ ԼԵՉՈՒՆԵՐ» բնագավառի 2-12-րդ դասարանների չափորոշիչ և ծրագիր, Երևան, 2021թ.
3. Common European Framework of Reference for Languages: Learning, Teaching, Assessment, Cambridge University Press, Modern Languages Division, Council of Europe, Strasbourg, 2001. Available at <https://rm.coe.int/1680459f97>